

**UGOVOR  
o nabavci roba**

zaključen između:

**Javna ustanova Opća bolnica „Prim. dr. Abdulah Nakaš“,**  
Sjedište: S.S.Kranjčevićeva broj 12, 71000 Sarajevo,  
koju zastupa direktor prim. dr. Zlatko Kravić,  
Identifikacijski broj: 4200288400001,  
(u daljem tekstu: Kupac)

i

**„HERCEGOVINALIJEK“ d.o.o. Mostar,**  
Sjedište: Muje Pašića 4, 88000 Mostar,  
koju zastupa direktor Meaz Begović,  
Identifikacijski broj: 4227015090005,  
Transakcijski račun: 1417010002259042 BBI Banka  
(u daljem tekstu: Dobavljač)

**PREDMET UGOVORA**

Član 1.

- Predmet ovog ugovora je nabavka roba - lijekova i to za:
- LOT 6 – INZULINI – II,
  - LOT 14 – ALBUMINI,
  - LOT 15 - HIDROKSJETILSKROB SA NATRIUM HLORIDOM,
  - LOT 16 - OTOPINE AMINOKISELINA
  - LOT 48 - LIJEKOVI ZA LIJEČENJE BOLESTI ŠTITNE ŽLIJEZDE
  - LOT 52 - KARBAPENEMI, SULFONAMIDI I TRIMETROPRIM,  
MAKROLIDI I LINKOZAMIDI
  - LOT 61 - ANTIINFLAMATORNI I ANTIREUMATSKI LIJEKOVI I  
ZA LOKALNU PRIMJENU
  - LOT 72 - PSIHOSTIMULANSI I LIJEKOVI PROTIV VRTOGLAVICE
  - LOT 75 - LIJEKOVI PODGRUPA R03, R05 I R06
  - LOT 82 - ANTINEOVASKULARNI LIJEKOVI
  - LOT 87 - KONTRASTNA SREDSTVA ZA CT

Roba koju će Dobavljač dobiti Kupcu u skladu s odredbama ovog ugovora i odgovarajućom dokumentacijom sastavni je dio Okvirnog sporazuma u obliku njegovih priloga.

**CIJENA**

Član 2.

Ukupna cijena koju će Kupac isplatiti Dobavljaču za robe iz člana 1. Ugovora na godišnjem nivou iznosi za:

AR

LOT 6 - INZULINI - II

- Cijena bez PDV-a: 6.270,90 KM;
- Porez na dodanu vrijednost (PDV 17%) = 1.066,05 KM;
- UKUPNA VRIJEDNOST / CIJENA sa PDV-om = 7.336,95 KM  
(slovima: sedamhiljadatristotinetridesetšest i 95/100 KM).

LOT 14 - ALBUMINI

- Cijena bez PDV-a: 68.436,00 KM;
- Porez na dodanu vrijednost (PDV 17%) = 11.634,12 KM;
- UKUPNA VRIJEDNOST / CIJENA sa PDV-om = 80.070,12 KM  
(slovima: osamdesethiljadasedamdeset i 12/100 KM).

LOT 15 - HIDROKSJETILSKROB SA NATRIUM HLORIDOM

- Cijena bez PDV-a: 512,50 KM;
- Porez na dodanu vrijednost (PDV 17%) = 87,12 KM;
- UKUPNA VRIJEDNOST / CIJENA sa PDV-om = 599,62 KM  
(slovima: petstotinadevedesetdevet i 62/100 KM).

LOT 16 - OTOPINE AMINOKISELINA

- Cijena bez PDV-a: 21.718,00 KM;
- Porez na dodanu vrijednost (PDV 17%) = 3.692,06 KM;
- UKUPNA VRIJEDNOST / CIJENA sa PDV-om = 25.410,06 KM  
(slovima: dvadesetpethiljadačetiristotinedeset i 06/100 KM).

LOT 48 - LIJEKOVI ZA LIJEČENJE BOLESTI ŠTITNE ŽLIJEZDE

- Cijena bez PDV-a: 165,00 KM;
- Porez na dodanu vrijednost (PDV 17%) = 28,05 KM;
- UKUPNA VRIJEDNOST / CIJENA sa PDV-om = 193,05 KM  
(slovima: stotinuvedesettri i 05/100 KM).

LOT 52 - KARBAPENEMI, SULFONAMIDI I TRIMETROPRIM,  
MAKROLIDI I LINKOZAMIDI

- Cijena bez PDV-a: 57.780,00 KM;
- Porez na dodanu vrijednost (PDV 17%) = 9.822,60 KM;
- UKUPNA VRIJEDNOST / CIJENA sa PDV-om = 67.602,60 KM  
(slovima: šezdesetsedamhiljadašeststotinadva i 60/100 KM).

**LOT 61 - ANTIINFLAMATORNI I ANTIREUMATSKI LIJEKOVI I  
ZA LOKALNU PRIMJENU**

- Cijena bez PDV-a: 19.362,10 KM;
- Porez na dodanu vrijednost (PDV 17%) = 3.291,55 KM;
- UKUPNA VRIJEDNOST / CIJENA sa PDV-om = 22.653,65 KM  
(slovima: dvadesetdvijehiljadešeststoinapedesetri i 65/100 KM).

**LOT 72 - PSIHOSTIMULANSI I LIJEKOVI PROTIV VRTOGLAVICE**

- Cijena bez PDV-a: 2.155,00 KM;
- Porez na dodanu vrijednost (PDV 17%) = 366,35 KM;
- UKUPNA VRIJEDNOST / CIJENA sa PDV-om = 2.521,35 KM  
(slovima: dvijehiljadepetstotinadvadesetjedan i 35/100 KM).

**LOT 75 - LIJEKOVI PODGRUPA R03, R05 I R06**

- Cijena bez PDV-a: 10.744,00 KM;
- Porez na dodanu vrijednost (PDV 17%) = 1.826,48 KM;
- UKUPNA VRIJEDNOST / CIJENA sa PDV-om = 12.570,48 KM  
(slovima: dvanaesthiljadapetstotinasedamdeset i 48/100 KM).

**LOT 82 - ANTINEOVASKULARNI LIJEKOVI**

- Cijena bez PDV-a: 13.307,88 KM;
- Porez na dodanu vrijednost (PDV 17%) = 2.262,33 KM;
- UKUPNA VRIJEDNOST / CIJENA sa PDV-om = 15.570,21 KM  
(slovima: petnaesthiljadapetstotinasedamdeset i 21/100 KM).

**LOT 87 - KONTRASTNA SREDSTVA ZA CT**

- Cijena bez PDV-a: 27.006,00 KM;
- Porez na dodanu vrijednost (PDV 17%) = 4.591,02 KM;
- UKUPNA VRIJEDNOST / CIJENA sa PDV-om = 31.597,02 KM  
(slovima: tridesetjednihiljadapetstotinadevedesetsedam i 02/100 KM).

Financijska sredstva za predmetnu nabavku obezbjeđena su u skladu sa Planom nabavki za 2018. godinu broj 21-24/18 od 26.01.2018. godine (stavka 1.)

**USLOVI I NAČIN PLAĆANJA**

**Član 3.**

Plaćanje će se izvršiti u roku od 60 (šezdeset) dana po isporuci robe i ispostavljanja fakture. Plaćanje se obavlja na žiroračun Dobavljača. Kupac ne prihvata avansno plaćanje i traženje



sredstava osiguranja plaćanja. Ukupna plaćanja Dobavljaču bez PDV-a na temelju sklopljenog ugovora ne smiju prelaziti procijenjenu vrijednost nabavke.

Kupčeva obaveza da isplati cijenu podrazumijeva poduzimanje mjera i udovoljavanje formalnostima predviđenim Ugovorom ili odgovarajućim zakonima i propisima da bi se omogućilo plaćanje.

Dobavljač je dužan izdati / sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuju Kupca ni onda kada je fakturu primio, a nije joj prigovorio.

## **ROK ISPORUKE**

### **Član 4.**

Rok isporuke ukupno ugovorene i specificirane količine robe iz člana 1. ovog ugovora je sukcesivna isporuka u roku od 7 dana od dana narudžbe u trajanju od 12 (dvanaest) mjeseci, računajući od datuma obostranog potpisivanja ovog ugovora. Pod isporukom se podrazumjevaju sve potrebne radnje koje je Dobavljač dužan obaviti, prema ugovoru i prirodi posla, da bi Kupac mogao primiti isporuku.

Mjesto isporuke robe je: Javna ustanova Opća bolnica „Prim. dr. Abdulah Nakaš“, Bolnička apoteka, S.S.Kranjčevića broj 12, Sarajevo.

Kupac se obavezuje isplatiti cijenu i preuzeti isporuku ugovorene robe onako kako je predviđeno ovim ugovorom. Kupčeva obaveza preuzimanja isporuke općenito se sastoji u obavljanju svih radnji koje se razumno od njega očekuju da bi omogućio Dobavljaču izvršiti isporuku i u preuzimanju robe.

Do isporuke / predaje robe Kupcu (do dana obostranog potpisivanja zapisnika o kvantitativnom prijemu robe bez primjedbi) rizik slučajne propasti ili oštećenja robe snosi Dobavljač, a s isporukom / predajom robe rizik prelazi na Kupca. Rizik ne prelazi na Kupca ako je isti zbog nekog nedostatka isporučene / predane robe raskinuo ugovor ili tražio zamjenu robe.

Dobavljač je dužan da o svom trošku ugovorenu robu osigura od uobičajenih rizika. Dobavljač vrši osiguranje do momenta prelaska rizika u skladu sa ovim, a Kupac od tog momenta.

Roba koja je predmet ovog ugovora i koju će Dobavljač isporučiti Kupcu prema ovom Ugovoru bit će upakovana u originalnoj i neotvorenoj ambalaži od originalnog proizvođača uz označavanje pakovanja na propisan način. Dobavljač će zapakovati robu tako da može izdržati transport, manipulaciju i eventualno skladištenje u razumnom vremenskom roku. Ambalaža mora imati takva svojstva koja posebno obezbjeđuju zaštitu od vlage.

## **ODGOVORNOST ZA MATERIJALNE I PRAVNE NEDOSTATKE**

### **Član 5.**

Dobavljač odgovara za materijalne nedostatke robe koje je ona imala u času prelaza rizika na Kupca, bez obzira na to da li mu je to bilo poznato. Dobavljač odgovara i za one materijalne nedostatke koji se pojave nakon prelaza rizika na Kupca ako su posljedica uzroka koji je

postojao prije toga. Neznatan materijalni nedostatak ne uzima se u obzir. Šta se podrazumijeva pod neznatnim materijalnim nedostatkom zajednički / komisijski utvrđuju Kupac i Dobavljač. U obavijesti o nedostatku stvari / robe Kupac je dužan potanje opisati nedostatak i pozvati Dobavljača da pregleda robu. Ako obavijest o nedostatku koju je Kupac blagovremeno poslao Dobavljaču preporučenim pismom, telefaksom ili na neki drugi pouzdan način, zakasni ili uopšte ne stigne prodavatelju smatra se da je Kupac izvršio svoju obavezu da obavijesti Dobavljača. Nedostatak postoji ako ugovorena / isporučena roba / stvar nema svojstva i odlike koje su izričito određene ovim ugovorom. Dobavljač odgovara i za nedostatke koje je Kupac mogao lako opaziti ako je izjavio da stvar nema nikakve nedostatke ili da stvar ima određena svojstva ili odlike.

Dobavljač odgovara ako na isporučenoj robi postoji neko pravo trećeg koje isključuje, umanjuje ili ograničava pravo Kupca, a o čijem postojanju Kupac nije bio obaviješten, niti je pristao da primi stvar opterećenu tim pravom. Ukoliko se pokaže da treća osoba polaže neko pravo na ugovorenu robu, Kupac je dužan obavijestiti Dobavljača o tome (obaviještenje se vrši na način iz prethodnog stava ovog člana - preporučeno pismo ili telefaks ili neki drugi pouzdan način), izuzev kad je to Dobavljaču već poznato, i pozvati ga da u razumnom roku oslobodi robu od prava ili pretenzije trećeg ili da mu isporuči drugu stvar bez pravnog nedostatka. Ako Dobavljač ne postupi po zahtjevu Kupca, ugovor se raskida.

## **BANKOVNA GARANCIJA ZA OSIGURANJE IZVRŠENJA UGOVORENIH OBAVEZA**

### **Član 6.**

Dobavljač je, u smislu osiguranja izvršenja obaveza po ovom ugovoru, obavezan Kupcu dostaviti sljedeće bezuslovne originalne bankarske garancije (prema obrascu utvrđenom od strane Kupca):

- Garancija za uredno izvršenje ugovora / dobro izvršenje posla u iznosu od 10% ukupne vrijednosti Ugovora, sa rokom važnosti garancije: rok isporuke roba +30 dana;

Dobavljač će garanciju iz prethodnog stava dostaviti u roku od 10 (deset) dana od dana zaključivanja ovog ugovora / obostranog potpisivanja ovog ugovora.

Garancija za uredno izvršenje ugovora dostavlja se u originalu. Garancija ne smije biti ni na koji način oštećena (bušenjem i sl.) jer probušena ili oštećena garancija se ne može naplatiti. Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni ugovor će se smatrati apsolutno ništavnim.

## **VIŠA SILA**

### **Član 7.**

Ako slučaj više sile, potpuno ili djelimično spriječi izvršenje obaveza po ovom ugovoru, ugovorna strana zahvaćena slučajem više sile je obavezna da o nastanku slučaja više sile, o vrsti i o eventualnom trajanju više sile pismeno obavijesti drugu ugovornu stranu u roku od 7 (sedam)



dana od nastanka slučaja više sile. Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ovog ugovora, koji su nastali mimo volje ugovornih strana, čije nastupanje i dještvo ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna dještva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglašava kao slučajeve više sile.

Za vrijeme trajanja više sile obaveze ugovornih strana po ovom ugovoru miruju, ne primjenjuju se odredbe Ugovora o ugovornoj kazni, sa tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

Ukoliko slučaj više sile bude trajao duže od 30 (trideset) dana, ugovorne strane će se sporazumijeti o daljnoj sudbini Ugovora. Ukoliko se ugovorne strane ne sporazumiju o sudbini ugovora, ugovorna strana kod koje nije nastupila viša sila ima pravo na raskid ugovora pošto o tome pismeno obavijesti drugu ugovornu stranu.

## **STUPANJE UGOVORA NA SNAGU**

### Član 8.

Ovaj ugovor stupa na snagu danom obostranog potpisivanja od strane ovlaštenih lica ugovornih strana, a zaključuje se na period od 1 (jedne) godine dana. Svi rokovi u vezi s ovim ugovorom računaju se od dana stupanja ugovora na snagu.

## **PRIMJENA ZAKONA O OBLIGACIONIM ODNOSIMA**

### Član 9.

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi i povodom izvršenja ovog ugovora.

## **RJEŠAVANJE SPOROVA**

### Član 10.

Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana, ugovara se nadležnost suda u Sarajevu, Bosna i Hercegovina, uz primjenu pozitivnog prava Bosne i Hercegovine.

Ukoliko se jedna od ugovornih strana ne bude pridržavala odredbi ovog ugovora, druga ugovorna strana stiče pravo na jednostrani raskid ugovora u roku od 30 (trideset) dana.

Raskid ugovora se vrši u pisanoj formi.

## OSTALE ODREDBE

### Član 11.

Dobavljač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

### Član 12.

Izmjene i dopune ovog ugovora mogu se vršiti samo pismenim putem. Bit će punovažne i obavezivati će ugovorne strane samo one izmjene i dopune koje su sačinili sporazumno u pisanoj formi.

### Član 13.


Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Dobavljač:  
**„HERCEGOVINALIJEK“ d.o.o. Mostar**

DIREKTOR

Meaž Begović

Broj: 04-1259/P  
Mostar, 21.09.2018



Kupac:

**Javna ustanova Opća bolnica  
„Prim. dr. Abdulah Nakaš“**

DIREKTOR

Zlatko Kravić  
Prim. dr. Zlatko Kravić

Broj: 3034-19/18  
Sarajevo, 14.09.2018. god.